



TEME / KIOSK

KIOSK

„Zapadnom Balkanu nedostaje perspektiva“

Zapadni Balkan i njegovo približavanje Evropskoj uniji, kao i simpatije koje Bosna i Hercegovina gaji prema Turskoj, neke su od tema kojim se bavi dnevna štampa sa njemačkog govornog područja.



„Od EU preziran, od investitora izbjegavan – Zapadnom Balkanu nedostaje perspektiva“, piše pored ostalog Thomas Fuster u listu „Neue Zürcher Zeitung“ (NZZ).

„Zapadni Balkan je notorno nestabilno područje. Mnogi se nadaju stabilnosti i blagostanju članstvom u EU – prema uzoru na centralno-istočnu Evropu. Ipak, čini se da je takva perspektiva neizvjesna“, piše pored ostalog NZZ. „Na samitu održanom u Solunu u junu 2013. godine je pored ostalog navedeno da je ‘budućnost balkanskih država u EU’. Danas se smatra da je takvo obećanje samo prazna fraza. EU je od izbijanja finansijske krize zauzeta sama sobom. Malo je inicijative za integracijom novih članica. Jednim dijelom i zbog toga što balkanske zemlje, privredno posmatrano, nisu dovoljno atraktivne“.



„Članstvo u EU je postalo farsa“

prljavi čošak, u 'staroj' Evropi se ne dobijaju glasovi birača. Takvo uskraćivanje ljubavi na Zapadnom Balkanu ne ostaje neprimjećeno. Ipak, EU u regionu i dalje zrači pozitivnom energijom i članstvo je jedan od malog broja ciljeva koji žele postići sve stranke. Doduše, treba se osvrnuti na Tursku u kojoj se pristupni proces davno pretvorio u farsu, tako da blijedi uvjerenje da je ona dobrodošla u Briselu“.

„Dok budemo primljeni u EU, Unija neće ni postojati“, često se čuje u regionu. Proširenje Brisel voli predstavljati kao tehnički proces sa jasno definisanim kriterijima. Činjenica je da su prepreke daleko veće od onih koje su bile postavljene zemljama centralno-istočne Evrope koje su 2004. godine postale

„To što je strukturalno slaba država, Hrvatska, primljena u EU i iskustva sa vladavinom prava u Rumuniji i Bugarskoj, sve su drugo nego pozitivne stvari zbog kojih se u Briselu skoro niko više ne zalaže za Balkan. Godišnji izvještaji o napretku zemalja kandidata su se pretvorili u izvještaje o stagnaciji što odgovara vladama u Njemačkoj, Francuskoj, Austriji i nekim drugim zemljama. Jer, zalaganjem za integraciju regiona, koji se često doživljava kao evropski

članice EU. BiH jača veze sa Turskom. U Srbiji na značaju ne dobijaju samo investitori iz Rusije, nego i šeići iz Ujedinjenih Arapskih Emirata, partneri koji ne postavljaju neugodna pitanja o vladavini prava i demokratije. U Briselu se to nerado posmatra. Međutim, to je cijena koja se mora platiti za nedovoljnu zainteresovanost za vlastito predvorje.“

Zašto je Turska omiljena u Bosni i Hercegovini?

„Nigdje u Evropi Turska nije tako omiljena kao što je u Bosni i Hercegovini. Šta iz toga proizilazi?, pita se Michael Martens u tekstu kojeg je objavio list „Frakfurter Allgemeine Zeitung“.



Erdogan: "Turska nikada neće ostaviti Bosnu na cjedilu"

„Mnogo je govora turskog predsjednika Abdullaha Güla, premijera Recepta Tayyipa Erdogana i ministra vojnih poslova Ahmeta Davutoglua u kojim pominju Bosnu i Hercegovinu, Sarajevo ili na turskom čarobno ime `Saraybosna`“, piše Martens i navodi neke od primjera: „Kada je Erdogan pobijedio na parlamentarnim izborima 2011. godine, prvo je pozdravio `braću i prijatelje` u glavnom gradu BiH. „Sarajevo je danas dobilo ono što i Istanbul“, istakao je Erdogan koji je godinu dana ranije, prilikom posjete Sarajevu, rekao `beznačajno je da li imamo zajedničku granicu ili ne. Osjećam da je ta zemlja naš prvi susjed, i zbog naše istorijske odgovornosti, Bosnu nećemo nikada ostaviti na cjedilu`“.

Martens dalje podsjeća da u Ankari, Istanbulu i Izmiru ulice, džamije ili parkovi nose ime Alija Izetbegović. Isto tako u Sarajevu jedan park nosi ime Recep Tayyip Erdogan. On u tekstu navodi i istorijsku vezu koja potiče još iz Osmanlijskog carstva, na 6.878 turskih riječi u bosanskom jeziku, ali i prenosi navode iz studije koju je uradio društveno-istraživački institut „Populari“ iz Sarajeva: „Niko nije sačuvao osmanlijsku kulturu kao što je učinila BiH. Pa ni Turci sami“.

Martens navodi da se uspjesi turskih sportista slave u Sarajevu i da bošnjački političari u Sarajevu blizinu sa Turskom uzimaju kao povod da svoje evropske partnere u razgovorima upozore: „Ako ne primite BiH, onda će se ona orjentisati u pravcu Turske“. „Turska u Bosni pomaže u sanaciji mostova, medresa, džamija. Također daje stipendije studentima. Međutim, privredno Turska u BiH nema važnu ulogu. Najvažniji trgovinski partner BiH je Hrvatska. Trgovinska razmjena ove dvije zemlje je prošle godine iznosila skoro dvije milijarde eura.

Nakon Hrvatske slijede druge balkanske zemlje, dok je Turska na devetom mjestu. Slično je i sa investicijama. Poduzetnici iz Austrije su između 1994. i 2012. godine u BiH uložili više od 1,3 milijarde eura. U istom vremenskom periodu turski investitori jedva da su u Bosnu uložili 150 miliona eura. Na osnovu toga je Turska, statistički gledano po ulaganju u BiH, između Holandije i Luksemburga. I ono gdje se ulaže je u mjestima koja su uglavnom naseljena Bošnjacima. Turska



Istorijske veze sa Bosnom

„Ziraat Bank“ u BiH ima 25 filijala od kojih je samo jedna u Republici Srpskoj. Međutim, tamo su aktivni ruski investitori. Srpski član Predsjedništva BiH Nebojša Radmanović s tim u vezi kaže: „Bošnjaci vole Turske, Srbi vole Ruse“. Bolje rečeno: što je jednima Erdogan, drugima je Putin. Novac dolazi iz drugih izvora. Bosanski političari znaju zašto svoju zemlju žele odvesti u EU“, piše Martens u listu „Frankfurter Allgemeine Zeitung“.

Datum 23.07.2014

Autor Mehmed Smajić

Urednik Svetozar Savić

Tagovi Zapadni Balkan, EU, BiH, Turska, Erdogan, Izetbegović, Bošnjaci, Srbi

Podijeli Pošalji Facebook Twitter google+ Više...

Vaš komentar: [Napišite nam Vaše mišljenje o ovoj temi](#)

Štampaj [Štampaj ovu stranicu](#)

Permalink <http://dw.de/p/1Ch23>

POVEZANI SADRŽAJ



Merkelova u Dubrovniku ukazala na probleme u BiH

16.07.2014

"EU mora da odradi svoj klasični zadatak i to kao mirovna sila. Ne kao u Ukrajini, već prije nego eskalira konflikt", rekla je kancelarka Merkel u Dubrovniku. 28. avgusta ona je zakazala konferenciju za Zapadni Balkan.



Erdogan u predizbornoj kampanji

10.05.2014

Turci će na ljeto prvi put izravno birati predsjednika. Premijer Recep Tayyip Erdogan će se vjerojatno kandidirati. Promatrači strahuju da Erdogan želi značajno promijeniti sustav vlasti u Turskoj.



Imati posao u Srbiji - sreća koju imaju rijetki

18.06.2014

Nezaposlenost i siromaštvo u Srbiji, teme su koje zaokupljaju pažnju njemačke štampe u izdanjima od ove srijede (18.6.). Štampa piše i o posljedicama sukoba u Iraku za Tursku.

VIŠE IZ RUBRIKE



"Mržnja prema islamu kao religija"

28.07.2014
Njemačka štampa se ovog ponedjeljaka bavi komentarom urednika u listu Bild, koji je napisao kako mu 'islam sve više smeta'. Njegovi pretpostavljeni su se pak distancirali od ove izjave. Listovi pišu i o situaciji u Gazi.



"Nikad više rata"

26.07.2014
Predvečerje Prvog svjetskog rata, odnosno predratno raspoloženje u tadašnjoj Europi kratko prije austro-ugarske objave rata Srbiji mjesec dana nakon Sarajevskog atentata, tema je tiska na njemačkom jeziku.



Velika nacija, sasvim mala

25.07.2014
Njemačka štampa u petak (25.07.) piše o mogućim novim sankcijama Zapada Rusiji, kao i o sklopljenim poslovima između Rusije i zemalja članica EU, te o stanju na Bliskom istoku.